



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԱԽԱԳԱՆԻ
ԱՇԽԱՏԱԿԱԶՄԻ ՂԵԿԱՎԱՐ**

0077, Երևան, Մարշալ Բաղրամյան պող. 26

«26» _____ 04 _____ 2013 թ.

Հ 4-666

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ
պրն Դ. ՍԱՐԳՍՅԱՆԻՆ**

Հարգելի պարոն Սարգսյան,

Ի պատասխան Ձեր 2013թ. մարտի 29-ի թիվ 02/12.3/4027-13 գրության՝ հայտնում ենք, որ «Հայաստանի Հանրապետության կառավարության և Ֆրանսիայի Հանրապետության կառավարության միջև «Հայաստանում Զարգացման ֆրանսիական գործակալության և ՊՐՈՊԱՐԿՈ մասնաճյուղի հաստատման և գործունեության մասին» Հայաստանի Հանրապետության կառավարության որոշման նախագծի վերաբերյալ սկզբունքային դիտողություններ և առաջարկություններ չկան:

Միաժամանակ, Ձեզ եմ ուղարկում Հայաստանի Հանրապետության կառավարության և Ֆրանսիայի Հանրապետության կառավարության միջև «Հայաստանում Զարգացման ֆրանսիական գործակալության և ՊՐՈՊԱՐԿՈ մասնաճյուղի հաստատման և գործունեության մասին» համաձայնագրի նախագծի վերաբերյալ ՀՀ Նախագահի աշխատակազմի փորձագիտական-վերլուծական վարչության եզրակացությունը:

Առդիր՝ 1 թերթ:

Հարգանքով՝

Կ. ՍԱՐԳՍՅԱՆ

Կ. Սարգսյան

Հ.Հ. ԱՇԽԱՏԱԿԱԶՄ
26 04 2013
010-10545

ԵԶՐԱԿԱՑՈՒԹՅՈՒՆ

Հայաստանի Հանրապետության կառավարության և Ֆրանսիայի Հանրապետության կառավարության միջև «Հայաստանում Ջարգացման ֆրանսիական գործակալության և ՊՐՈՊԱՐԿՈ մասնաճյուղի հաստատման և գործունեության մասին» համաձայնագրի նախագծի (այսուհետ՝ Նախագիծ) վերաբերյալ

Նախագծի վերաբերյալ հայտնում ենք հետևյալ նկատառումները.

1. Առաջարկում ենք խմբագրել Նախագծի հարկային արտոնություններին վերաբերող դրույթները՝ դրանք համապատասխանեցնելով՝
 - ա) հարկային արտոնությունները համաֆինանսավորմամբ փոխարինելու՝ ՀՀ կառավարության կողմից որդեգրած սկզբունքին.
 - բ) ներկայումս արդեն իսկ գործող նմանատիպ համաձայնագրերով նախատեսված հարկային արտոնություններին վերաբերող համապատասխան դրույթներին (օրինակ՝ «ՀՀ կառավարության և Գերմանիայի Դաշնային Հանրապետության միջև ֆինանսական համագործակցության մասին», «ՀՀ կառավարության և Շվեյցարիայի Համադաշնության կառավարության միջև տեխնիկական, ֆինանսական և հումանիտար համագործակցության մասին» և այլ համաձայնագրեր):
2. Նպատակահարմար ենք համարում Նախագծի Հոդված 4-ը (Բանկային կանոնակարգ), Հոդված 5-ի (Փոխարկելիություն և փոխանցում) 5.1 կետի 2-րդ ենթակետը և 5.5 կետը համաձայնեցնել ՀՀ կենտրոնական բանկի հետ:

ՀՀ ՆԱԽԱԳԱՀԻ ԱԾԽԱՏԱԿԱԶՄԻ
ՓՈՐՁԱԳԻՏԱԿԱՆ-ՎԵՐԼՈՒԾԱԿԱՆ
ՎԱՐՉՈՒԹՅԱՆ ՊԵՏ



Ա. ԽԱՉԱՏՐՅԱՆ

18.04.13թ.